

ლევან ხარაბაძე ევროკავშირის სადამკვირვებლო მისიის წარმომადგენლებს შეხვდა

05 აპრილი 2024

შიდა ქართლის სახელმწიფო რწმუნებული ლევან ხარაბაძე ევროკავშირის სადამკვირვებლო მისიის გორის რეგიონალური ოფისის უფროსს ჯესიკა როტმანსა და მის მოადგილეს მარჩინ კურასს შეხვდა. შეხვედრას, ასევე, რწმუნებულის პირველი მოადგილე სიმონ გუგუშვილი და სადამკვირვებლო მისიის ოფისის წარმომადგენლები ესწრებოდნენ.

გაცნობითი ხასიათის შეხვედრა შიდა ქართლის რწმუნებულის ადმინისტრაციაში გაიმართა. ჯესიკა როტმანმა სახელმწიფო რწმუნებულს მისიის შესახებ ამომწურავი ინფორმაცია მიაწოდა. შეხვედრისას საუბარი შეეხო შიდა ქართლის რეგიონში საოკუპაციო ხაზთან მდებარე სოფლებში მიმდინარე და დაგეგმილ პროექტებს. გარდა ამისა, მხარეებმა არსებული გამოწვევების ერთობლივი გადაჭრის გზების გამონახვის შესაძლებლობებზეც იმსჯელეს. ლევან ხარაბაძემ მადლობა გადაუხადა ევროკავშირის სადამკვირვებლო მისიის წარმომადგენლებს იმ განუხლებელი საქმიანობისთვის, რასაც შიდა ქართლის რეგიონში ყოველდღიურად ახორციელებენ.

შეხვედრის ბოლოს მხარეები თანამშრომლობის გაღრმავებაზე შეთანხმდნენ და ასევე, განიხილეს ერთობლივი ღონისძიებების დაგეგმვის შესაძლებლობები.